



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը


You are free to:

Share — copy and redistribute the material in any medium or format

Adapt — remix, transform, and build upon the material

Simpson

9-20:



1999

ԹԱՐՁԱՐ



ԳՈՂԵ

(ԶԻՒՀԱՐԻ ՅԵՇԱՍԱԿԱՐԱՆԻՑ)

ՅԱՏԱՐԱԿՈՒԹԻՒՆ ԴԻԱԾԱՆ"-ի

№ 2.

Ltn
1307

ԹԻՖԼԻՍ
ԷԼԵԿՏՐԱԿԱՐ ՏՄԱՐԱՆ ՕՐ. և ԱՂԱՆԵԱՆԻ. ՊՈԼԻՑ. 7.
1910



ԳՐԱԴԱՐԱՆ ԾԻԱԾԱՆ՝ № 2

For your service & support by L. Karp

U U R q U R - py

¶ ॥ ॥ ॥

(Զինուրի յիշատականից)

Հայոց պատմութեան գիտական հարցեալ է. Աս. Կուտածութեան գիտական հարցեալ է.

Թ Ի Ֆ Լ Ի Ա
ԷԼԵԿՏՐԱՆԱՐ ՏԵՂԱՐԱՆ ՕՐ. Ն. ԱՐԱԽԵԱՆԻՑ. ՊՈԼԻՑ. 7.
1910

28 1310

41307-AW

Գ Ո Ղ Ը

(Զինուրի յիշատակարանից)



I

Բոլորս սարսափեցինք, երբ աչքներս
դիպաւ նրա այլագունած զէմքին...։ Կա-
պիտան ֆօմինը՝ մեր զօրանոցի տւագ
սպան, համարեա միշտ մռայլ էր. ոչ ոք
չէր կարող պնդել, թէ ինքը երբ և է տեսել
էր նրան ժպտալիս։ Միջահասակ, թխադէմ,
ոև ու երկար մազերով՝ երբ յանկարծ նա ե-
րեսում էր զօրանոցի շէմքին, և նրան առա-
ջին տեսնող զինւորը ամբողջ ուժով գոռում
էր „Ըմիր...հօ!..“ (հանգիստ), մենքբազէի սրարշաւ
ստուերից սարսափած ճնճղուկի նման վեր
էինք թռչում տեղներիցս. և երբ շէմքի մօտ
ֆելդֆերելը *) անշարժ արձանի նման ցցւում

*) Ֆելդֆերելը զօրանոցի անմիջական հսկող իշխանա-
ւորն է. նա համարւում է ստորին ծառայող (հիջնի чинի),
բայց հասարակ զինւորներից ամենաբարձրն է աստիճանով։
Առհասարակ այս պաշտօնը՝ կատարում հն այն զինւորները,
որոնք պարտադիր ծառայութիւնը վերջացնելուց յետոյ
մնում են կամովին ծառայելու։

Էր նրա առաջ կրունկները միմեանց սեղմած, ու աջ ձեռքը ամբողջովին ձգած ճակատին դնելով զեկուցում էր տալիս, մենք ինչպէս ցաք ու ցրիւ սիւներ գամւում էինք տեղ-ներումս և աչքերնիս անթարթ նրա երեսին ձգում։ Ոչ մի ձայն, ոչ մի շարժում. միայն ֆելդֆերելի շրթունքներն արագ բախւում էին միմեանց, և բառերն հոսում էին այնպէս արագու համաչափ, ինչպէս ոտանաւորի տողերը՝ անգիր ասող աշակերտի շրթունքներից։ Կապիտանը նոյնպէս անշարժ, ձեռքը աջ կողմից ճակատին մեխած, նայում էր շեշտակի այդ մեքենայի նման արագ շարժւող շրթունքներին։ Ապա ֆելդֆերելը արագութեամբ ծուռում էր և, մի քայլ յետ գնալով, ճանապարհ էր տալիս նրան։ Այդ ժամանակ կապիտանը առաջ էր գալիս և գլուխը ուղիղ պահած, աջ ու ձախ հայեցը ձգելով, բարձրածայն ասում էր.

— Здорово братцы!.. (*Բարեկ, եղբայրներ*). Հնդկահաւերի խմբի նման, որոնց վրայ յանկարծ քար ես շպրտում, վզներս երկարացնելով և ձայներս միմեանց յարմարեցնելով, աղաղակում էինք մենք.

— Здравия желаемъ, ваш...сок...род (вашему высокоблагородію—шпипջութիւն ենք ցանկանում . ձերդ բարձր բարեծննդութեանը): Ապա նա անցնում էր զօրանոցի այս գլւխից այն գլուխը, խոժոռ աչքերը դարձնելով

մի մահճակալից միւսի վրայ և դառնալով
մեզ, բարձր ու խոպոտ բասով հրամայում
էր. „Հա զնտիւ“ (զբաղմունքի), կամ ցած
ու կարծես ակամայ հնչւող ձայնով ասում,
„Յօնո!“ (ազատ): Այն օրը երբ լսում էինք այս
վերջին բառը, ազատ շունչ էինք բաշում, գու-
շակելով, որ նրա տրամադրութիւնը լաւ է և
մեզ շատ չէ չարչարելու: Իսկ երբ անմիջապէս
հրամայում էր հազնուել և հրացանները վերց-
նել, այդ նշան էր, որ նա բարկացած է. այդ-
պիսի օրերում նրա սև գիմագծերում մի տե-
սակ կարմրութիւն էր նկատում. և այդպիսի
օրերում մենք շատ քրտինք էինք թափում,
հրացանն ուսներիս վազելով: Իսկ այդ օրերը
յաճախ էին և անհամեմատ աւելի շատ, քան
այնպիսիները, երբ նրա տրամագրութիւնը լաւ
էր լինում:

Բայց այդ օրը նրա դէմքից չէ թէ բարկու-
թիւն, այլ սարսափ, քարացնող սարսափ էր
ցայտում: Մենք պարզ նկատեցինք, թէ ինչպէս
մինչև անգամ ֆելլֆերելի ծնկները գեկուցում
տալու ժամանակ, որոնք այդպիսի դէպքերում
ուղիղ ու հաստատուն սիւների նման անշարժ
էին լինում, այս անգամ կարծես տատանուե-
ցին. իսկ ձեռքը ճակատին դրած՝ դողդողաց, և
նա բառերն արտասանելիս աչքերը մի քանի
անգամ թարթեց ու թուքը կուլ տուեց:

Սրանք նշաններ էին, որոնք գուշակում էին

մեզ համար մի մեծ փոթորիկ. սակայն նրա
հաւաքուած կնճիռների մէջ այս անգամ սո-
վորական կարմրութիւնը չէր նկատւում. ընդ-
հակառակ նրանք դողդողում էին, և այնտեղից
մի մահաբեր գունատութիւն էր արտացոլում:

— Դուքս բեր բոլորին հագնուած—հրամայեց
նա բարկութիւնից դողացող ձայնով ֆելդֆե-
լին և ինքը զօրանոցից դուքս եկաւ:

— Հագնուեցէք շուտով—որոտաց ֆելդֆե-
լի ուժգին ձայնը և թնդաց զօրանոցի գե-
րեզմանային լուսութեան մէջ. կարծես Գաբրի-
էլեան փողի հնչիւնն էր, որ մեր ականջներին
դիպչելով, զլիխից մինչև ոտք ցնցեց մեզ:

Մենք էլ չիմացանք թէ որքան ժամանակ
տեսց մեր հագնուելը. մէկ-թէ երկու ըոսէից
փամփուշտամանները գոտիներիս կապած, շի-
նելները ձախ ուսոներիս խամուտի ոլէս անց-
կացրած, հրացանը ձեռներիս՝ իջանք բակը:

Մզած, զորշ երկինք: Աշնանային բարակ,
շատ նօսր անձրև էր մաղում: Գետինը բոլորո-
վին խոնաւ՝ գեռ չէր թրջուել. Տխուր երկինքը
կապիտանի զայրալից դէմքի հետ մեր կրծքից
մի խոր հառաջ դուքս քաշեց, որը մենք սա-
կայն չկարողացանք արտայայտել. Չթունքնե-
րը կրծում էինք, որ արգելենք մեր հաղը կամ
հեռցի բարձր ձայնը:

Ինչպէս ոռոմքի շուրջը շղթայուած մար-
դիկ, որոնք պատրոյգի այլուելը դիտում են

սարսափից քարացած դէմքով, մենք լուռ, անշարժ շարուեցինք, երեսներս դարձրած դէպի կապիտանը, և յուսահատ փութիւնութեամբ սպասում էինք նրա պայթելուն. և նա պայթեց որոտագին ձայնով, որի ելեջները ոռոմբի փշրանքների նման տարածուեցին սեր վրայ, և մենք գիտակցութիւննիս կորցրած, աչքներս մթնած, փշաքաղուեցինք ամբողջ մարմնով.

—Կանգնեցէք... ուղի...ի...դ....:

Ինչպէս մի մարմին, երկարածև կանգնած էինք մենք անշարժ։

—Հա-պրա...Յօ!, լսուեց երկրորդ հրամանը. մենք շրջուեցինք դէպի աջ, և գիտակցութիւնը վրաներս եկաւ։

—Ե՞...Ռօմե, մարշ!..., որոտացնորից ձայնը, և մենք սկսեցինք վազել—անընդհատ, արագ, յետ ու առաջ։ Հրացաններն ուսներիս ճօճլում էին, աջ ձեռքերնիս արագութեամբ գօտկատեղի վրայ յետ ու առաջ էին գնում-գալիս; և մենք վազում էինք։

—Հրացաններն ուղիղ պահեցէք... մէկ—երկու, մէկ—երկու... գլուխներդ բարձր...—մեր ոտքերի համաշափ թխկթխկոցի հետ երբեմն որոտում էր նրա ձայնը, յորդ կարկուտի հետ որոտացող չարագուշակ ամպի գուոցի նման։ Եւ մենք վազում էինք շնչասպառ... մինչև ցանկապատ, որտեղ լսում էր նրա ահաբեկող ձայնը։

— Կրց..օ՞մք... մարշ! և մենք՝ որսորդից փախչող եղերուի պէս, որի առաջ յանկարծ անդունդ է բացւում, աչքերնիս մթնած, անգիտակցօրէն շրջւում էինք կրունկներիս վրայ դէպի յետ և վազում մինչև զօրանոցի բարձր պարիսպը՝ հեւալով, անընդհատ, համաշափ...

Ոչ մի անգամ մենք այդչափ չէինք վազել: Անձրեն յորդանում էր. գետինը ծածկուեց ցեխով, որի մէջ ճըգիճփում էին մեր երկարավիզ կօշիկները: Անձրենի կաթիլները արագութեամբ խփւում էին երեմներիս, որոնց հետ խառնուելով քրտինքը, առուի նման ցած էր հոսում: Մենք սակայն զրկուած էինք իրաւունքից և հնարաւորութիւնից՝ քրտինքներս սրբելու: Յոզնել էինք մինչև ոսկորներիս ծուծը, թրջուել էինք ամբողջ մարմնով—շորերի վրայից և տակից: Գոլորշին սպիտակ շղարշի նման պլուխներիցս վեր էր բարձրանում, ինչպէս մառախուղը խոնաւ երկրի մակերեսոյթից գարնան արևի ճառագայթների տակ: Ոչ ոք սակայն չէր մտածում կանգնելու մասին: Շատերը սայթաբում, վայր էին ընկնում, բայց այդ էլ չէր օգնում. գազազած կապիտանի սպառնալից հայեացը ընկնողին իսկոյն ոտքի էր հանում, և նա շարունակում էր վազել...

Իմ աչքերն յանկարծ փակուեցին, առաջս մթնեց, ծնկներս դողդողացին, հրացանի կոթը ձեռքիցս ըիշ էր մնում դուրս պրծնի. կարծես

Երազի մէջ լինէի և յանկարծ լսեցի շատ պարզ,
բարձր՝ իմ ազգանունը.

—Ակնպով...

Մի դող անցաւ մարմնովս և ինձ սթափեցրեց. հրացանս ուղղեցի, կոթը սեղմեցի ձեռքիս մէջ և շարունակեցի հսկիս վազել, երբ նորից հնչեց ձայնը—Ակոպնվ...: Քայլերս մեծացրի և ինձ այլիս չհազանդւող ոտքերիս ոյժտուի. բայց նորից լսեցի իմ ազգանունը, և այս անգամ ֆելդֆերելն էր խօսողը.

—Ակոպնվ, չէ՞ք լսում, ի՞նչ է:

Ես յետ նայեցի դողալով:

—Դուրս եկ շարքից, հրամայեց կապիտանը:
Ես չհասկացայ թէ ինչ էր կատարւում. դուրս եկայ, մօտեցայ նրան, և նա ձայնը ցածրացնելով ասաց.

—Ազատ ես, գնա զօրանոց...:

Անբացատրելի էր ինձ համար այս, ձգուեցի, երկարացայ բթածայրերիս վրայ, գլուխս կը ռացըրի, ուղում էի... չգիտեմ ինչ ասել, երբ նկատեցի, որ կապիտանն ինձանից հեռացել է և հետևում է վազող շարքերին. Այդ ըոպէին ես երջանիկ էի, եթէ նոյնիսկ նորից մտնէի շարքի մէջ և վազէի—որովհետեւ երկու ըոպէ գոնէ շունչ էի քաշել: Շուարել էի: Ֆելդֆերելը մօտեցաւ և ասաց շատ որոշակի.

—Գնա, հրացանդ ցած դիր, ազատ ես: Այն,
այդ երազ չէր. ես այլիս չէի վազում և այժմ

էլ գնում էի հաճգստանալու. Արագ քայլերով
և դողդոջուն ծնկներով աստիճաններից վեր ե-
լայ, հրացանս աեղը դրի և աարածուեցի մահ-
ճակալիս վրայ ու աչքերս փակեցի. Ի՞նչ զգաց-
մունք էր տիրել ինձ-չգիտեմ. միայն մի մութ,
անհասկանալի նախազգացում մտքիս տռաջ՝
հեռնե, միգապատ հորիզոնի վրայ երևացող սկ
կէտի նման շարժում էր դէպի ինձ:

Ես շնչում էի ծանր... կախաղանից ազատ-
ւած, բայց նոր դատավճիռը դեռ չլսած մար-
դու անորոշութեան զգացումով.

Զկարողացայ երկար պառկել. վեր կացայ,
մօտեցայ պատուհանին. շարքերը փազում էին
նոյն արագութեամբ, բայց առաջին հայեացքից
կարելի էր նկատել, որ նրանց ոտքերը թմրել
էին. Առջեկց փազում էր աջ թերի պարագլուխ
(правофланговый) երկարահասակ կորսունը, նրա
կողքին՝ կնճռագէմ ու չեչոտ Մարչենկօն և
միւսները՝ նրանց յետեկց: Կորսունը, որ երբէք
յոգնել չգիտէր և բոլոր խաղերի մէջ ամենա-
խիզախն էր, հազիւ էր կարողանում գլուխն ու-
ղիղ պահել. Նրա հրացանի սուլինն էլ էր օրօր-
ւում այս ու այն կողմ: Միջին շարքերը հետե-
ւում էին նրանց՝ բութ հայեացքները գամած
միւմեանց ծոծրակին, իսկ վերջին շարքերում,
որտեղ աւելի կարճահասակներն էին և թուլա-
կազմները, կատարեալ անկարգութիւն էր տի-
րում. ոմանք ոտքերը խփում էին առջեկց

վազողների կրունկներին, ոմանք յուսահատ ճիգ էին թափում միւսներին հասնելու. և նըրանց սուխնները քամու դիմաց տարուքերւող տերևազուրկ ճիւղերի նման ճօճւում էին, դիպչելով իրար, կամ չափազանց հեռանալով միմեանցից.

Լզարիկ Լեինը կծկուած հսկայ հրացանի տակ, այլևս ոյժ չունէր մի ձեռքով պահելու այն, և յաճախ աջ ձեռքը գողաբար մօտեցնում էր նրա կոթին. Յայտնի լողիրները (զալք, թամբալ) շարունակ վայր էին ընկնում ու նորից ոտքի ելնում, լսելով կապիտանի զայրածայն հայնոյանքները:

—Վազեցէք կարգին, ես ձեր բոլորի հոգին կը հանեմ. թէկուզ բոլորդ էլ վայր թափուէք, պիտի վազէք—գոռում էր նա : Եւ նրանք վազում էին յուսահատ անձնատւութեամբ, աշնան զօրեղ քամու բերանն ընկած գունատ տերևների պէս:

Հոգիս լցուեց մի անբացարելի դառնութեամբ. մի տարօրինակ ցանկութիւն զարթեց իմ մէջ—կարծես նախանձում էի նրանց. և եթէ վստահանայի, պատրաստ էի հրացանս վերցնել, ցած իջնել և խնդրել կապիտանից.

—Զերդ բարձր բարեծննդութիւն, թոյլ տուէք ինձ նորից շարքերը մտնել...: Մինչև անդամ այդ բառերը ասում ու կրկնում էի մտքիս մէջ, դասը չգիտցող աշակերտի անվը-

տահութեամբ։ Բոլորի տանջանքը՝ խմբական տանջանքը թոյլ չէր տալիս ինձ միայնակ վայելել իմ երջանկութիւնը. նաւի շուրթին կանգնած նաւաստիի պէս, որի բոլոր ծառայող ու ճանապարհորդող ընկերները ջուրն էին թափւել նաւի վրայից, ես նայում էի պատուհանից՝ մէկ հեացող, շնչառպառ շարքերին, մէկ՝ կապիտանի գունատ ու դողացող շրթունքներին։

Բայց ահա կորսունը, մինչև անգամ՝ կորսունը տատանուեց. հրացանը ծոռւեց. նա աջ ձեռքը մօտեցրեց նրա կոթին—ուղղելու, սուինը դիպաւ կողքից վազող Մարչենկոյի սուինին, և երկուսը միասին փռուեցին գետնին. Երկրորդ զոյզը նրանց վրայ տարածուեց, և այդ ժամանակ լսուեց կապիտանի ուժգին, խլացուցիչ ձայնը.

— Կանգնեցէք...

Շարքերն արձանացան։

— Ես բոլորիդ շնչառպառ կանեմ, մինչև երեկոյ կը վազէք այսպէս, վաղն էլ կը վազէք, միւս օրն էլ։

— Ըմի՛ր.. հօ!.. նչ ոք չշարժուի. հալք'... Յօ!... (դէպի ձախ)։ Բոլորը շրջուեցին դէպի ձախ և հայեցքներն ուղղեցին կապիտանին, որ բըռունցքի մէջ գնդած թաց թաշկինակով քըտինըը սրբում էր մոայլ ճակատից։

— Ի՞նձ նայեցէք բոլորդ անշարժ։ Նա մօտեցաւ հեալով աջ թերին, կորսունին նայեց և

այդպէս հերթով գնաց մինչև վերջին կարգը։ Հեռացաւ շարքից արագ քայլերով, կանգնեց նրանցից 15 քայլ հեռու, զինւորական ճշտապահութեամբ շրջուեց կրունկների վրայ, շարքերին յառեց արիւնով լցուած աչքերը և բերանը լայն բանալով գոչեց օրհասական ձայնով, իւրաքանչիւր բառը հատ-հատ շեշտելով։

—Ո՞վ է վերցրել Սկարեագի փողերը, թողդուրս գայ շարքից...։ Անդնդային, խոր լոռութեան մէջ խորասուզուեցին նրա բառերի վերջին հսչիւնները։ Մի սարսուռ անցաւ շարքերով, և այդ սարսուռը իմ աչքերից երախտագիտական արցունք հոսեցրեց։ Երջանկութիւնը մի ըոպէ պարուրեց ինձ իր տաք շնչով, ինչպէս պարուրում է առաջին ճառագայթը ձիւնի տակից նոր դուրս եկած ճնծաղիկի գլուխը։ Կուզէի այդ ըոպէին ցած իջնել, մոռանալ զինւորական ամեն կարգապահութիւն և համբուրել կապիտանի շրթունքները, որոնք կէս ժամ առաջինձ ազատել էին մեղադրեալի նստարանից։

—Ոչոք չէ դուրս գալիս—լաւ...։ Ուզի՞զ... Այս անգամ նրա ձայնի մէջ զայրոյթի հետ դուրս հոսեց մի խոր թախիծ։

—Վազեցէք...։

Նորից վազեցին շարքերը... մի քանիսը նորից վայր ընկան. և ես աչքերս լայն բացած, հետաքրքրութեամբ հետևում էի նրանց ոտքերին, անզգայաբար օրօրում էի իրանս նրանց

իրանների նման և սպասում՝ էի այս տարօրինակ ճակատամարտի ահեղ վախճանին:

—Կանգնեցէք, նորից հնչուեց ձայնը, այս անգամ մի քիչ մեղմացած: Եւ կապիտանը մի քանի քայլ մօտենալով շարքերին, ասաց համոզիչ ու հաստատուն ձայնով.

—Տղայք, եղբայրներ, ուղիղ տասը տարի է ծառայում եմ զօրաբանակում, և ինձ ստորագրեալ փաշտի մէջ այսպիսի խայտառակ դէպք չի պատահել.

Զինւորը հայրենիքի և թագաւորի ծառայութեան վեհ գործին էնուիրուած. և իւրաքանչիւր զինւորական՝ սկսած հասարակ զինւորից մինչև բարձրաստիճան զօրապետը, պարտաւոր է զինւորական պատիւը անարատ պահել: Դուք պէտք է հպարտ լինիք, որ հայրենիքի անուան ու պատուի պաշտպանութիւնը ձեղ է յանձնուած. զուք պէտք է այնպէս վարուէք, որ բոլորի համար ձեր ազնւութիւնը օրինակ լինի: Ես մինչև օրս երջանիկ էի զգում ինձ, որովհետեւ համոզուած էի, թէ իմ ձեռքի տակ եղած բոլոր ծառայողները ազնւութեան կանոններից չեն շեղւում: Բայց այս խայտառակ դէպքը կը մնայ անջնջելի իմ յիշողութեան մէջ և ես, եթէ չկարողացայ ճշմարտութիւնը երևան հանել, մնաս բարեւ կասեմ իմ պաշտօնին. որովհետեւ այսօրուանից մեր փաշտի անունը խայտառակւած է, և բոլորը ինձ մասով ցոյց կը տան.

ասելով. «Ահա կապիտանը այն վաշտի, որի մէջ կատարուեց խայտառակ գողութիւնը. միւս կողմից՝ ես բոլորիդ վրայ պէտք է կասկածեմ։ Սակայն ով էլ որ է գողը, թող չկարծի, թէ իր արածը կը մարսի և ինըը նորից կարժանանայ իր տան ու ընտանիքի տեսութեանը։ Ես ամեն նրան գործ կը դնեմ և կը գտնեմ նրան, և այն ժամանակ Աստուած հեռու տանի, թէ ինչ կը գայ նրա զլուխը. լաւ է այդ մասին չմտածէք, որովհետև չէք կարող երևակայել այն վիճակը, որ սպասում է նրան։ Ես ամեն ջանք գործ կը դնեմ և նրան ամենովիստ պատժի ենթարկել կը տամ, աքսոր կուղարկեմ, բոլոր վաշտերի առաջ կը խայտառակեմ։ Որքան ուշ գտնեմ գողին, այնքան էլ վատ կը լինի թէ ձեզ՝ և թէ նրա համար։ Մինչև նրան գտնելը ես դժոխք կը դարձնեմ ձեր զօրատունը...։ — Այստեղ նրա ձայնը բարձրացաւ և դողաց։

— Իսկ որպէսզի այդ ամենը չկատարուի — մեր անունը չխայտառակուի, դուք չչարչառուէք, յանցաւորը շատ խիստ պատիժ չուտի, ամենի առաջ թող գուրս գայ և խոստովանի նա, ով կատարել է այդ գողութիւնը...։

Աշնան անզօր ճառագայթները, ամպերի արանքից վախկոտութեամբ գուրս սողալով, ընկան օղի մէջ շարուած գլխարկների թաց հարթութեանը, գունատ ստուեր ձգելով գետնի վրայ. դա մի երկար, ատամնաւոր պարսպի

ստուերի էր նման, որ ամենենին չէր շարժւում։
—Կրկնում եմ երկրորդ՝ և վերջին անգամ.
Ճեզ համար էլ վատ կըլինի, ինձ համար էլ.
Թող քաջութիւն ունենայ գուրս գալ նա, ով
զրամանից վերցրել է Սկարեադի փողերը,
նրա գրքոյկով։

Ոչ ոք չշարժուեց. անշունչ ու լուռ՝ փայ-
տերի վրայ ցցուած կմաղքների նման, զինւոր-
ները անզգայ հայեացքով նայում էին նրան։
Այդ ժամանակ կարծես մի հրաբուխ գալար-
ուելով կապիտանի ներսում, պատրաստում
էր գուրս ժայթքել։ Նա գողդողաց ամբողջ
մարմնով, երկու ձեռքը կանթեց աջ ու ձախ
կողմից գոտկատեղի վրայ, աջ ոտքը տուաջ
դրեց, հեզնող ու յաղթական դիրքով կանգնեց,
զլուխը թափահարեց և շրթունքները լայն բա-
նալով, ամբողջ ուժով գոչեց։

—Ուրե...եմն...

Նրա ձայնը կերկերաց, նա տատանուեց և
հազիւ կարողացաւ իրեն պահել ոտքի վրայ։
Զինւորների իրաններն առաջ եկան, զօրաշարքը
կարծես տարուբերուեց իրեւ մի հսկայ շոգե-
նաւ, որ պատրաստում է ճանապարհ ընկնել.
յանկարծ վերջին շարքերը խլրտացին։ Բոլորը
նայեցին այն կողմը և միաձայն, անդիտակ-
ցօրէն ատամների արանքից մի խլաձայն, զըս-
պուած մոնչոց արձակեցին։

—Ա...ա...ա... կրկին իվանենկօն...:

Զլսեցի՝ ինչ ասաց Իվանենկօն. միայն տեսայ թէ ինչպէս աջ ձեռքով հրացանը ուղղահայեաց կպցրած իր կարճահասակ մարմնին, այդ գունատ զինւորը աչքերը ցած զցած, կանգնել էր կապիտանի առաջ և մահապարտի նման կցկտուր բառեր էր արտասանում:

Կապիտանի կուրծքը բարձրացաւ, իջաւ, և ինչպէս հնոցի միջից՝ նրա բերանից գոլորշախառն փնչոց արձակուեց. նայեց զինւորներին, աջ ձեռքը մեկնեց դէպի շարքերը և ապա արագ տանելով դէպի զօրանոց, ասաց մեղմ ձայնով.

—Եւ կազарմу, ребята... (դէպի զօրանոց, տղայք): Միմեանց հրելով ու խեղդուկ ճիչերով զինւորները աստիճաններից վեր սլացան:

Կապիտանը զօրանոց չմտաւ. Փելդֆերելլ տխուր՝ ընչացքները կրծելով բարձրանում էր Իվանենկոյի յետեկից: Իվանենկօն մտաւ զօրանոց, հրացանը տեղը դրեց և ամբողջովին կասկարմիր դէմքով մեղ նայեց:

—Այ գու գող անասուն—, յարձակուեցին նրա վրայ զինւորները բուռնցքները սեղմած:

—Չես ամաչում—, գոռում էր Մարչենկօն— աւագակ...

—Մրանով ճակատդ կը ջարդեմ այ—, ցոյց էր տալիս պայտած կրունկը Սուսանովը.

Իսկ Կորսունը մօտեցաւ նրան, շրթունքները սեղմեց իրար, կոկորդը խաղացրեց, երեսը

մօտեցրեց նրա երեսին և բարձրածայն «թուհ» անելով, մի ահազին գունդ թուք շպրտեց ուղիղ նրա ճակատին:

Միւսները յաղթանակող ոգեսրութեամբ հետևեցին նրան:

Իվանենկօն լուռ՝ թևով սրբում էր երեսից թուքը, որ քթի երկու կողմից զուզահեռու առուների նման հոսում էր դէպի բերանը: Մինչև անգամ վախլուկ Օվէեանը, որ նորակոչ հայերից էր և ոռւսերէն ամենակին չգիտէր, սիրտ առաւ և նրա վրայ յարձակուեց ասելով.

—Ա՛յ, տի սկատին, արեստան, դենզի վարիլ հայ, վօտ տերէ դենզի (այ գու անասուն, բոնաւոր, փող ես գողացել համար... այ քեզ փող), և ցոյց տուեց բռունցքը, անվստահութեամբ զինւորներին նայելով:

—Ի՞նչ է պատահել ձեզ, անպիտաններ, կորէք—, ասաց կատաղութեամբ ֆելզֆերելը և, ապա դամնալով իվանենկոյին, թակարդն ընկած որսին նայող որսորդի անտարբերութեամբ ասաց.

—Իսկ քեզ յետոյ կը տեսնենք, պատուական եղբայր:

Խօսակցութեան առարկան այդ օրը իվանենկօն էր:

Դէպին այսպէս էր պատահել: Սկարեազն այն բախտաւոր զինւորներից էր, որոնք տա-

նից երբեմն-երբեմն փող էին ստանում։ Զին-
ւորներն առհասարակ շատ սակաւապէտ են, և
նրանցից շատերը ամսական 2—5 ըուբլի ստա-
նալով, կարողանում են տարուայ վերջը մի
փոքրիկ գումար տնտեսել. իսկ դրա համար իւ-
րաքանչիւր գնդում կայ առանձին զինւորա-
կան դրամարկղ, որտեղ զինւորները պահ են
տալիս դրամը։ Սկարեադն ամսական չորս
ըուբլի էր ստանում և մէկ ու կէս տարուայ ըն-
թացքում կարողացել էր տնտեսել 30 ըուբլի։
Գրքոյկը նա պահում էր մնդուկի մէջ իր միւս
իրերի հետ։

Քննութիւնը ցոյց տուեց, որ Իվանենկօն
ծածուկ վերցրել էր Սկարեադի գրքոյկը մնդու-
կից և ներկայանալով գանձապահին, ստացել էր
նրանից Սկարեադի փողերը և ստորագրել էր
նրա փոխարէն։ Նա ստորագրութիւնն այնպէս
էր նմանեցրել, որ ոչ մի տարբերութիւն չկար
նրա և Սկարեադի իսկական ստորագրութեան
մէջ։ Քննութիւնը երևան հանեց նոյնպէս, որ
Իվանենկօն երկար ժամանակ Սկարեադի աղ-
գանունը գրել էր, որպէսզի ընտելանայ ստորա-
գրութեանը, որովհետև նրա թղթերի մէջ երևա-
ցին մի քանի անգամ գրուած հետեւալ բառերը.

—«Ստացայ լիովին « » ըուբլի գումարը—
Վասիլ Սկարեադ»։ Նշանակում է գողութիւնը
կատարելու համար յանցաւորը երկար ժամա-
նակ մտածել և նախապատրաստուել էր։



վանենկօն վաղուց յայտնի էր
իր փշացած վարքով։ Նը-
րան չէին սիրում, որով-
հետև ծոյլ էր ու բթամիտ,
անշնորհք կազմուածքով,
և վաղուց զինւորների շըր-
ջանում «գող» մականունն
էր վաստակել։

Երկրորդ տարին էր, որ Իվանենկօն ծառա-
յոււմ էր մեր զօրաբանակում։ Երբ մեզ բօտա-
ների բաժաննելուց յետոյ, մենք մտանք զօրա-
նոց և առաջին անգամ մեր հրամանատարը
այցելեց մեզ, Իվանենկօն ինձնից դէպի ձախ
4-րդ շարքումն էր կանգնած։ Գնդապետը՝ մի
շատախօս և կատակաբան ծերունի՝ մեզ հետ ծա-
նօթանում էր, հարցնելով մեր ծննդավայրի,
հայրենիքի և ընտաննեկան հանգամանքների մա-
սին։ Երբ նա մօտեցաւ Իվանենկոյին, նրա դէմ-
քի վրայ մի ժպիտ խաղաց, և թեր դնելով նրա
ուսին՝ հարցը եց։

—Տարիքդ լրացը եւ:

—Կոնечно! (ի հարկէ) —, պատասխանեց Իվա-
նենկօն այնպիսի դէմք ընդունելով, ինչպիսին

կընդունէր զիմնազիաւարտ պատանին, եթէ մի
անծանօթ շրջանում հարցնէին նրան. «Կարդալ
գիտէ՞ք պարոն»:

—Պէտք է պատասխանել. տակ ոճո, Վաշե
Высокоблагородие (հրամանք ես, Զերդ բարձր բա-
րեծննդութիւն), ուղղեց նրան գնդապետը:

Իվանենկօն գլխով նշան արաւ և շրթունք-
ները շարժեց այնպէս, կարծես այդ բառերը
կրկնում էր մտքում:

—Հապա ինչո՞ւ այդչափ փոքր ես երևում,
հարցրեց գնդապետը:

—Հանգուցեալ հայրս շարունակ գլխիս էր
խփում, Զերդ բարձր բարեծննդութիւն, դրա
համար կարճ մնացի. մայրս միշտ ասում
էր նրան. «Այս մարդ, էլ տեղ չկայ խփելու,
որ հէնց գլխին ես տալիս». բայց նա չէր լը-
սում. գիտէ՞ք, նա այնպիսի ուժեղ բռունցը ու-
նէր, որ մի անգամ մայրս ուշաթափուեց այդ
բռունցըից. ասաց իվանենկօն այնպիսի եղա-
նակով, կարծես գանգատուելով պարծենում էր:

Գնդապետը ժպտաց, իսկ մենք բարձրա-
ձայն ծիծաղեցինք:

—Ո՞րտեղացի ես—շարունակեց գնդապետը:

—Վեատկայի նահանգի «Արլովկա» գիւղից,
Զերդ բարձր բարեծննդութիւն:

—Հայրդ վաղուց է մեռել:

—Լաւ չեմ յիշում, կարծեմ տասը տարե-
կան էի, երբ նրա փէտացած դիակը փողոցից

տուն բերին:

—Ամուսնացած ես, թէ ամուրի:

—Ուզում էի ամուսնանալ, բայց Զինայի ծը-նողները նրան ինձ չտուին. Արլովին ինձնից լաւ համարեցին. «Նա, ասում է, բայ տղամարդ է. Սաշկան ինչ նրա թայն է—որբ, երեխայ, օդի խմել անգամ չգիտէ»: Թէև ես հէնց այդ գիշե-րը գնացի օղետուն և առաջին անգամ ամբողջ կէս շիշ խմեցի, այնպէս որ հազիւ տուն բերին ինձ, այնուամենայնիւ Զինային էլի Արլովին տուին: Յարմար աղջիկ մէկ էլ կատերինան էր. գիտէ՞ք նա...

—Լաւ—, ընդհատեց նրան գնդապետը, վա-խենալով թէնա մինչև երեկոյ սիրային արկած-ներ կը պատմէ—, այստեղ կը մոռանաս Զինային էլ, կատերինային էլ, և դարդ չես անիլ չէ....

—Հրամանք ես, Զերդ բարձր բարեծնըն-դութիւն, կը մոռանամ:

—Կարդալ գիտէ՞ս—, շարունակեց գնդա-պետը:

—Տառերն հազիւ եմ ջոկում, Զերդ բարձր բարեծնդութիւն:

—Դպրոցում չես եղել:

—Ընդամենը 4 ամիս մնացի ուսումնարա-նում: Ուսուցիչ Սկարպիօնը ասաց, որ ինձնից մարդ չի դուրս գալ կանչեց մօրս և թեփս բռնելով դուրս չպրտեց:

—Ինչու չէիր սովորում:

—Գլուխս պինդ էր, բան չէր մտնում. ուսուցիչը միշտ գանգատում էր, և մայրս էլ վկայում էր, որ ես դգում եմ:

Մենք բարձրածայն քրքջացինք:

—Դղնւմ, դգնւմ... ասաց զնդապետը ժըպտալով և մի բանի անգամ մատով խփեց նրա պլխին:

Եւ նրա անունը մնաց «դգում»:

Իսկ երբ մի անգամ նա Փելդֆերելի սեղանի վրայից մի բաժակ օղի գողացաւ խմեց և կիսատ շշի գլուխը ջուր լցրեց, բոլորը ծաղրելով ասում էին.

—Դղնւմ է, բայց օղիի համը լաւ գիտէ տղէն. միամիտ է ձևանում, բայց գիտէ ինչպէս դողանայ օղին, որ չիմացուի:

Նա շատ կեղտոտ էր պահում իրեն, և ամեն օր առաւօտեան այցի (смотръ) ժամանակ եֆրէյտօրը *) նրա ձեռքերի, ոտքերի, կամ շորերի վրայ կեղտ նկատելով, ասում էր.

—Скатина, բարάն... (անասուն, ոչխար), միթէ չես կարող մաքրել: Մի առաւօտ ամբողջ կէս ժամ նա՝ իր կեղտոտ փողկապը ատամների մէջ առած, կանգնավագ տուեց (ճերն հա մէշտէ): Նա սկզբում շատախօս էր և միշտ

1) Եֆրէյտօրը հասարակ, բայց փորձուած զինւոր է. նա երբեմն փոխարինում է ենթասապային և սովորեցնում է նոր զինւորներին. նա ուսադիրների վրայ ունի մի-մի սպիտակ երիգ, որով տարբերում է հասարակ զինւորից:

պարծենում էր, որ գնդապետն իրեն հետ շատ քաղցր է խօսել. բայց համարեա ամեն օր կը կնւող պատիժները նրան սակաւախօս դարձրին: Եֆրէյտօրը շարունակ նրա ծնօտի տակին բռունցքով խփելով ասում էր.

—Է՞ն, եղբայր, ծառայել չգիտես, ես քեզ ցոյց կը տամ, թէ գնդապետը քեզ հետ ի՞նչպէս քաղցր խօսեց:

Վերջերը նա համարեա լուռ էր: Եւ ոչ ոք էլ չէր ուզում իմանալ, թէ նա ի՞նչու այդպէս լուակեաց է: Ընդհակառակը շատերը գոհ էին, որ այդ կեղտոտ, ծոյլ, գող և դդում արարածը իրենց այլես չէ մօտենում: Իսկ երբ նրա սընդուկից դուրս եկաւ Լևինի կորած փողկապը, այնուհետև բոլորի համար պարզուեց, որ նա խսկական գող է. և շարունակ խփում էին նրա գլխին, ասելով.

—Գնդ դդում, հայրդ այնքան է բռնցքահարել, որ յուսահատութիւնից խմել է ու մեռել քո դարդից—հայրասպան. և բոլորը ծիծաղում էին:

Ոչ ոք առհասարակ նրան չէր սիրում և չէր ընկերանում. իսկ դրամարկղի դէպքից յետոյ արդէն, բոլորն սկսեցին ատել նրան, ոչ միայն այն պատճառով, որ նա մի խոշոր գումար էր գողացել այդպիսի ստոր եղանակով, այլև նրա համար, որ նրա պատճառով մեր կապիտանը

սաստիկ քարկացել էր և աւելի յաճախ էր մեզ
չարչարում:

Իվանենկոյի վրայ երկու պահապան նշա-
նակեցին, որ չկարողանայ փախչել։ Նրան զա-
տեցին մեզանից, և այլևս գբաղմունքներին ու
խաղերին չէր մասնակցում։ Նիհար, նախկին
կարմրութիւնը կորցրած այտերով, նա առա-
ւոտները զարթնում էր և սպասում մեր հայ-
նոյանքներին։ Բոլորն էին հայնոյում նրան, վի-
րաւորում, շորերից քաշում, «գող, անպիտան»
բառերը շպրտում նրա ճակատին։ Խոկ նա՝ մանր
—ճպճպան աշբերը դարձնում էր մեզ և խըզ-
ճալի դէմք ընդունում։

—Տեսնո՞ւմ ես, ինչ խեղճն է. կատու է դա-
ռել. այ ես քու հէրն անիծեմ..., ասում էր հըս-
կայահասակ Կորսունը, քաշելով նրա օձիքից։

Ո՞նց մտար մնդուկը և վերցրիր գրքոյկը,
Վեատկայի մնակ—, գոռում էր հաստլիկ Պի-
խունը—, խօսիր է, ինչո՞ւ ես լուսմ. գանձապա-
հին լաւ խարեցիր հա... լեզուդ բացուել էր։
Այժմ անմեղացել է, վարդապետ է ուզում
դառնալ. տես, քոսա միրուքն էլ երկարացնում
է. Էհ եղբայր, քեզ ոչ թէ վանք; այլ դիսցիպ-
լինարնի բատալիոն պիտի ուղարկել. այնտեղ
հոգիդ գուրս կը գայ օրական 12 ժամ հրացա-
նի տակ վագելով, միւս աշխարհումն էլ հոգիդ
բոցերի մէջ կը գառուի և այս իծամիրուքդ կը
խանձուի. Եւ Պիխունը քաշեց ուժգնութեամբ

նրա մաղերից։ Մի խեղդուած «օֆ» միայն դուրս եկաւ իվանենկոյի անշարժ շրթունքների արանքից։

Նա նստած մահճակալին, սնդուկը կողքին դրած, իրերը խառնում էր և կարգի գցում։

—Տես է, տես է, այս երկար ոտի փաթթանները, ովք գիտէ, ումից է զողացել. թուրքի խանութից ես թոցըել համ, աւազակ—աղաղակեց Մարչենկօն—, ամօթ, ամօթ քեզ. դեռ զինւոր էլ ես. զինւորի պատիւը ոտի տակ տուիր. կապիտանին մինչև անգամ ամօթահար արիր բու արարքով…

Նա փաթթաններն ու սրբիչը դրեց սընդուկը, այստեղից հանեց մի գլուխ սխտոր և մի կտոր սև հաց, սխտորը մի քանի անգամ ամուր քսեց հացին և, ձախ արմունկը յենելով սնդուկին, աջ ձեռքով հացը բերանը տարաւ։ Նա կծում էր հացը, ապա մի փոքրիկ կտոր սխտոր և, աչքերը ցած գցած, ծամում էր։

—Հարամ ըլնի էն հացը, որ ուտում ես—, գուաց Պիխունը, և մինչ իվանենկօն հացը բերանը կոխած պատրաստում էր կծել, նա գլուխը թափահարեց և ուժգնութեամբ շունչ քաշելով, թքեց նրա հացի վրայ։ Իվանենկօն լուռ՝ թեռվ սրբեց հացը, նրա աչքերից արցունքներ գլորուեցին քթի երկու կողմերից հացի վրայ, և նա արցունքախառն սխտորոտ հացը շարունակեց կծել ու ծամել հառաչելով։

Նա մի գարմանալի լոռվթիւն էր պահպանում և ոչ մէկի հայիոյանքին չէր պատասխանում։ Ու նրա օրը՝ օր չէր։ Մի շաբաթ մնաց այնուհետեւ զօրանոցում, և այդ շաբաթուայ ընթացքում՝ էլ զինւոր չմնաց, որ նրան չթրէր ու չհայիոյէր։ Իսկ նա տանում էր բոլորը լուս, գլխակոր, և նրա պատասխանը լինում էր կամ մի խղճալի հայեացք, կամ մի խեղդուկ, ծանր հառաջանք....

Մեր գնդի դատարանը վճռեց նրան երկու տարի կարգապահական բաժանմունքը (дисциплинарный баталіонъ): Վերջին օրը, երբ նրան տանում էին զօրանոցից երկու հրացանաւոր պահակներ, նա մի տխուր հայեացք ձգեց զօրանոցի վրայ, աչքերը ճպպացրեց, բերանը բաց արաւ, կարծես ուզում էր մի բան ասել, բայց շրթունքները սեղմեց ատամներին և աչքերը ցած գցեց։

Երկու կաթիլ արցունք գլորուեցին նրա նիհարացած այտերի վրայով։ Նա դանդաղ իջաւ սանդուխքից բակը։ Առաջին անգամն էր, որ անձրես հետ ձեան հատիկներ էին թափւում։ Երկինքն ամբողջապէս սպիտակ-գորշ գոյն էր ստացել։ «Աքսորականի օր»—, սրախօսեց անհոգութեամբ զինւորներից մէկը։

Բակի մէջ նա կանգնեց, յետնայեց—երեսի մի բան ասելու նպատակով, բայց զայրոյթ նը-կատելով մեր դէմքերի վրայ, նորից գլուխը

շուռ տուեց և ատամների մէջ մրմռալով առաջ գնաց:

Նրա վերջին, անձրևախառն ձիւնի մէջ նկարւող հայեացքն այնքան խղճալի էր, որ սիրտս ճմլուեց. մի ամբողջ շաբաթ քնելուց առաջ շարունակ այդ դէմքն էր պատկերանում աչքերիս առաջ։ Աչքերս բաց էի անում, մտքով սլանում էի նրա յետեկից և նրա վիճակի մասին մտածում. փակում էի աչքերս, դէմս կանգնում էր իվանենկօն շինելի մէջ կծկուած, ձեռքերը թերի մէջ հազցրած, գորշ, արտասւող երկնքի տակ, ցեխոտ գետնի վրայ, երկու պահակ աջ ու ձախ կողմում, ողորմագին հայեացքն ինձ ուղղած.... Աշխատում էի այդ պատկերն հեռացնել աչքիցս, սակայն նա չէր հեռանում, մինչև քունը չէր թմրացնում ջարգուած մարմինս: Բայց ես մի օր, զատ յետոյ հասկացայ, թէ ինչու այդ պատկերը երկում էր ինձ ու տանջում։

Անցաւ բաւական ժամանակ, և մենք իվանենկոյին միանգամայն մոռացանք։ Էլ ոչ ոք չէր խօսում նրա մասին. կարծես այդ փոքրիկ մարդը մեզ հետ չէր էլ ծառայել ամենելին։

Եւ ես էլ միւսների հետ դէպքը մոռացութեան տուի ու նրա պատկերը ջնջեցի յիշողութեանս միջից. և գուցէ այլս երբէք չմտարերէի նրան, եթէ մի անսպասելի հանգամանք չինէր։



III

Եր վաշտում մի հին զինւոր
կար: Թէև 24 տարեկան
բայց դէմքը խորշոմած՝ պա-
ռաւի տպաւորութիւն էր
անում: Զինւորները բոլոր
հին ծառայողներին առհասարակ
«Դեադկա» են անուանում. *) բայց
նրան բոլորը - թէ նոր և թէ հին զինւորներն էին
այդ անունը տալիս:

«Դեադկա Ստեփան» — այսպէս էր նրա
անունը. երբէք մէկը նրան «Դեադկա» չէր
ասում, կամ «Ստեփան» այլ այդ երկու բառը
միասին «Դեադկա Ստեփան»: Մինչև անգամ մեր
ֆելզֆերելը, որ քիթը միշտ բարձր էր պահում
և երբէք կատակ անել չէր սիրում, և նոյն իսկ
կապիտանը, յաճախ կատակով նրան այդպէս
էին կանչում:

— «Դեադկա Ստեփան», այսօր քէֆդ տեղը
չի երևում, չինի՞ վատ նամակ ես ստացել.

*) Դեադկա՝ հօրեղբայր. այստեղ նշանակում է «խալ-
քայ»:

կինդ հիւանդ է, կամ գուցէ նոր զաւակ է ծնել և առանց քեզ կնունք են արել —, կատակում էր երիտասարդ պարուչիկ *) Նիկալայնը, որ ամենից շատ էր սիրում նրան ձեռ առնել։ Մի օր պարուչիկը մի խումբ օրիորդների հետ մըտաւ մեր զօրանոցը և նրանց հետ շրջելով ցոյց էր տալիս մեր կացարանը. պատուհանի մօտ օրիորդներին նա մի բան փսփսաց ժպտալով և ապա յետ նայելով կանչեց.

— Ստեփան, Դեադկա Ստեփան — : Եւ երբ նա վազելով եկաւ ու ձեռը կնճռուտ ճակատին դընելով կանգնեց նրա առաջ, օրիորդները ձեռքերը միմեանց խփելով քրքջացին. խև նրանցից մէկը՝ նորատի և կապտաչեայ՝ բարակ-յըստակ ձայնով ասաց.

— Հյ՝ ա, « Դեադկա Ստեփան », մի բաժակ ջուր բերես :

« Ստեփան Դեադկան » թևերը թափահարելով ու օրօրուելով, բթածայրերի վրայ վազեց և մի քանի րոպէից բաժակը ձեռքին կանգնեց նրանց առաջ. օրիորդը վերցրեց ջուրը, նայեց բաժակի մէջ և ապա տարաւ շրթունքներին։ Ստեփան Դեադկան ձեռքը ճակատին դրած, անթարթ նայում էր բաժակին։

— Կին ունի՞ս, հարցրեց նրան օրիորդը :

— Такъ точно, ваше...ва....а....шеч... (հրամանք

*) Պարուչիկ նշանակում է երկրորդ աստիճանի սպայ:

ես, Ձերդ... Ձերդ...) կմկմաց Դեադկա Ստեփանը, չիմանալով թէ ինչ տիտղոս տայ նրան...և շատ յետոյ աւելացրեց... «պան» (պանուհի, աղջիկ պարոն): Օրիորդները կրկչացին:

—Երեխաներ էլ ունիս, շարունակեց օրիորդը:

—Такъ точно... пани. Еրկուսը, Աստուած չուզեց որ աւել ունենամ, երկրորդի ծնուելու օրը ինձ զինւոր վերցրին. ու շատ լաւ եղաւ, թէ չէ՝ եթէ հիմա 4 երեխայ ունենայի, ապրել անկարելի կը լինէր....:

—Զես վախում որ կինդ ուրիշին սիրէ, հարցրեց Նիկալայել:

—Ни какъ нѣтъ! Ваше благородіе, չեմ վախում, Դաշն հոգի չի կորցնի, աստուածավախ աղջիկ է. բայց գիտէք; հայրս շատ աղքատ է, տունը լաւ չի կառավարւում, վախում եմ անհոգի Սիսոյել՝ մեր ստարոստան նրան ճամբից հանի. գիտէք, նա շատ հարուստ է և վաղուց աշք էր դրել Դաշնայիս վրայ:

—Խեղճ, ասացին ծիծաղելով միւս օրիորդները:

—Ոչի՞նչ, դարդ մի անիր, մի քանի ամիս է մնում. կազատուես, կը գնաս Դաշնայիդ մօտ և ուզածիդ չափ կը համբուրես երեխաներիդ ու նրան—կարօտդ կառնես—, ասաց Նիկալայել և դառնալով օրիորդներին, առաջարկեց հեռանալ զօրանոցից:

Այնուհետև նա շարունակ պարծենում էր, որ պարուչիկ Նիկալայեի գեղեցիկ հարսնացուն —այդպէս էր ասում նա—իրենից ջուր է ուզել, և ինքը իր իսկ ձեռքով նրա համար աղբիւրից ջուր է բերել:

«Դեադկա Ստեփանը» Ռուսաստանի՝ չեմ յիշում նր նահանգիցն էր. բայց երկարաձև —նեղ աչքերը, երեսին տափակած քիթը, խորշոմած, գունատ դէմքը, որի վրայ մի քանի հատ-հատ մազեր էին երևում, ցոյց էին տալիս, որ նա կազանի թաթարների սերնդից պէտք է լինէր:

Նա իրեն իսկ «դեադկայի» նման էր պահում. բոլորից պահանջում էր, որ իրեն հետ «հանար չանեն», եթէ ոչ, ցոյց կը տայ թէ ինքն ով է: Հասարակ բանի համար կոխւ էր զցում, բայց ճիշտ մեծաւորի նման՝ ինքն էր կատակ անելով հաշտում: Շատ անգամ սուտ հիւանդանում էր, որպէսզի ծառայութեան չգնայ: Այդպիսի դէպքերում՝ ֆելդֆերելը, որ մի ուրիշ վրայ սաստիկ կը բարկանար և կը հայհոյէր, նրան այս խօսքերով էր դիմում:

— Կա՞ այս (ի՞նչ է), «Դեադկա Ստեփան», էլի ծուլութիւնդ բռնեց, էծերդ եկան. եղբայր, այդպէս ծառայել չի լինի—, և անցնում էր նրա մօտով:

«Դեադկա Ստեփանը» օղիի հետ շատ բարեկամ էր և, միշտ շուկայից վերադառնալիս, ձախ

ձեռքը թագցրած էր լինում շինելի թևի մէջ. այդ նշան էր, որ նրա թևի մէջ կէս շշանոց է տեղաւորուած. այդ դրութեամբ նա յաճախ մտնում էր ֆելդֆերելի առանձնասենեակը և մի քանի րոպէից յետոյ ձեռքերը դուրս ձգած թևից, ուրախ ոստիւններով դուրս էր գալիս այնտեղից: Երեկոյեան ժամը 9-ի ստուգութեան (ՈՅԵՐԿԱ) ժամանակ շատ անգամ նա մեզ հետ շարքի մէջ չէր կանգնում: Երբ նրա ազգանունը կարդացւում էր, մի քանի վայրկեան լուրջիւն էր տիրում և ապա «Տ» (Ես, աստ) բառի փոխարէն լսւում էր օրապահի ձայնը.

—Հիւանդ է: Իսկ ֆելդֆերելը գլուխը լուռ շարժում էր: Քանի, քանի անգամ նա հրացանը ուսին ժամերով բակում կանգնել էր պատժուած հարքեցողութեան պատճառով: Մի քանի անգամ կարցեր*) էր նստել և շատ անգամ հերթից դուրս օրապահութիւն էր արել. բայց պատիճներից յետոյ նա կրկին նոյն «Դեադկա Ստեփանն» էր: Եւ ոչ ոք չէր էլ փորձում նրան նախատել միւս պատժողների նման:

Իսկ նոր զինւորները նրա ձեռքից ազա-


*) Կարցերը դօրանոցի մօտ գտնւող մի բանտ է, որտեղ բանտարկւում են թեթև յանցանք գործող զինւորները առանց դատի-իշխանաւորներից որևէ է մէկի հրամանով. ֆելդֆերելը իրաւունք ունի մինչև 1 օր կարցեր նստեցնել զինւորին:

տում չունէին։ Բոլորին հայհոյում էր ու հրամայում՝ ինչպէս մի իշխանաւոր։ Առաւօտը, երբ զինւորները թէյամանը ձեռքերին շարւում էին մեծ ինքնաեռի շուրջը տաք ջուր վերցնելու, յանկարծ երևում էր «Դեադկա Ստեփանը»՝ մեծ, գեղին պղնձէ թէյամանը ձեռքից կախընկած։ և միւս ձեռքով սկ հացի ահագին կտորը բռնած, ագահաբար կծելով ու արագ ծամելով մօտենում էր դանդաղ. բոլորը զիտէին, որ նա հերթի սպասելու չէ, ուստի թոյլ էին տալիս, որ ամենից առաջ նա վերցնի ջուրը։ Եթէ մէկը չէր զգուշանում և թէյամանը թողում էր ինքնաեռի ծորակի տակ, այն ժամանակ «Դեադկա Ստեփանը» ոտքով դէն էր հըրում նրա թէյամանը և իրանը դնելով նրա տեղը, բարկացած ասում էր բերանի հացով թուշն ուռցրած։

—Է՞ն, եղբայր, դեռ որքան պիտի ծառայես, որ «զեադկա» դառնաս։ Եւ ոչ ոք ոչինչ չէր ասում նրան այդ ապօրինութեան համար, որովհետև զիտէին, թէ նա ինչպիսի հայհոյանքներ էր թափելու, բերանից թոցնելով թքախառն հացի կտորները։

Իսկ նրա բնենը՝ հոչակուած էր։ Հէնց որ զբաղմունքները վերջանում էին և զինւորներից իւրաքանչիւրը մի որկէ աղատ պարապմունք էր ձեռք առնում—ոմանք շոր էին կարկատում, ոմանք զիրք կարդում, ոմանք էլ

զօրանոցն աւելում կամ հրացանը սրբում,
«Դեադկա Ստեփանը» անուշ-անուշ խոմփա-
ցնում էր: Երեկոյեան ստուգութիւնից յետոյ
անմիջապէս քնում էր նա: Կամ քնած խորմ-
փացնելիս, կամ մէկն ու մէկին ծաղրախառն
հայհոյելիս, կամ հարբած, օրօրուելով ման
գալիս կը լինէր նա—ուրիշ կերպ չեմ մտաբե-
րում նրան: Նա տանից ոչ մի կոպէկ չէր ստա-
նում. նրա ոռճիկն էր միայն—2 ամիսը 45
կոպէկ, սակայն նա միշտ հարբում էր, և յայտ-
նի չէ, թէ որտեղից էր փող գտնում: Նա
յայտնի էր և իր ժլատութեամբ. կոպէկի հա-
մար այնպէս աղմուկ կը բարձրացնէր, որ ամ-
բողջ զօրաբանակը նրա շուրջը կը հաւաքուէր:
— Ես սաստիկ ատում էի «Դեադկա Ստե-
փանին»:





ի չտեսնուած փոփոխութիւն եկաւ «Դեադկա Ստեփանի» վրայ իվանենկոյի յայտնի դէպքից յետոյ։ Նախ մենք նկատեցինք, որ նա երեկոյեան ընդհանուր աղօթքից յետոյ, իր սովորութեանն հակառակ, փոխանակ անմիջապէս դէպի անկողին վագելու, դանդաղ քայլերով մօտենում էր զօրանոցի ձախակողմեան պատի վրայ շարուած պատկերներին և Աստուածածնի մեծ, դեղին շրջանակաւոր պատկերի առաջ ծունկ չոքելով, գլուխը կանթեղի տակի ստուերի մէջ պահած լուռ աղօթում էր……«Դեադկա Ստեփանը» հոգին միտն է զցել—հեգնում էին մօտից անցնող զինւորները։

Առաւօտները թէյ վերցնելիս նա հերթի էր սպասում, որ աւելի զարմանալի էր։ Մի օր՝ ընդամենը 4 ամիս զինւորութիւն արած և երդումն էլ չտուած Ստեղենկօն ինքնաեռից ջուր վերցնելիս երբ նրան տեսաւ մօտը կանգնած,

Եր թէյամանը դէն քաշեց և նրան ճանապարհ տուեց ասելով.

—Դեաղկա Ստեփիան, ջուր վերցրէք:

Իսկ նա գետնին յառած աչքերը նրան դարձրեց և անսովոր մեղմութեամբ ասաց.

—Ոչինչ, թողլցուի, ես յետոյ կը վերցնեմ: Այս չտեսնուած բան էր, և բոլորի զարմանքը շարժեց:

Նա համարեա ամեն օր կանգնում էր երեկոյեան ընդհանուր աղօթքին, շատ սակաւ էր հիւանդանում և կարծես օղիից էլ ձեռք էր վերցրել. մինչև անգամ Նորտարուն նրան հարբած չտեսանք: Բայց ամենազարմանալին այն էր, որ նա էլ առաջուայպէս չէր քնում, և գիշերները նրա խոմփոցը անընդհատ չէր լսւում: Նրա հին սովորութիւններից միայն ժլատութիւնն էր մնացել և նոյնիսկ կրկնապատկուել էր. նրա չխմելն էլ ժլատութեամբ էին բացարում:

Այս բոլոր փոփոխութիւնները շատ զարմանալի էին, բայց ոչ ոք ուշադրութիւն չէր դարձնում, և իսկի չգիտէինք էլ, թէ իսկապէս նր օրից սկսեց նա փոխուել: Այժմ միայն, երբ ինձ համար ամեն բան պարզ է, ես կարողանում եմ աղօտ կերպով դէպքերն յիշել և նրա փոփոխութիւնը կապել իվանենկոյի արածյայտնութեան օրուայ հետ. այժմ միայն ես զարմանում եմ, թէ ինչպէս ես այն ժամանակ

չնկատեցի, որ «Դեադկա Ստեփանը» միւս զինւորների հետ իվանենկոյին չէր նախատում։ Այսպիսի դէպքերում առաջին ծաղրողն ու հայնոյողը միշտ նա էր, իսկ այդ օրը նա մի անկիւն քաշուած՝ սգաւորի տեսք էր ստացել։ Եւ այժմ միայն հարց եմ տալիս ինձ, թէ ինչպէս ես չզարմացայ իվանենկոյի գնալու օրը, տեսնելով «Դեադկա Ստեփանին» պատշգամբում կանգնած՝ լուռ, առանց նրան հայինոյելու։ Ո՞վ զիտէ, զուցէ իվանենկոյին ազգական էր, կամ նրա խիստ պատիժը տեսնելով համոզուել էր, որ զինւորական ծառայութեան հետ հանաքանել չի կարելի. ինձ համար անբացատրելի էր այդ։ Բայց ես սկսեցի զարմանալ և լուրջ կառկածել նրա փոփոխութեան մասին շնորհիւ մի պատահական դէպքի։

Սուինը կաշուէ պատեանով գօտկիցս կապած, օրապահութիւն էի անում Կորսունի հետ։ Երկ-երկու ժամ քնում էինք և նոյնքան ժամանակ էլ հսկում իւրաքանչիւրս։ Անուշ քնի մէջ էի, երբ Կորսունը իր քնկոտ, հաստ ձայնով զարթեցրեց ինձ.

— Ակնպով, Ակնպով, ժամը 1-ը խփեց արդէն, վեր կացէք……

Ես, որ առանց հանուելու մեկնուել էի մահակալիս վրայ, վեր թռայ, աչքերս տրորեցի և նրան փոխարինեցի։

Շուրջս համատարած խռմփոց էր։ Անցայ երկ-շարք ձգուած մահճակաների միջով, նայեցի աջ ու ձախ քնած ընկերներիս, հրացաններն համարեցի և Կորսունին ուղարկեցի քնելու։ Մի երկու անգամ անց ու դարձ անելուց յետոյ, վերցրի Լեռմոնտովի „Գերօն нашего времени“ գրքոյկը և սկսեցի կարդալ իմ սիրած «Մաքսիմ Մաքսիմիչը»։ բայց մի քանի թերթ շրջելուց յետոյ տեսայ, որ աչքերս խփում են, գիրքը փակեցի և վեր կացայ։ Դուռը բաց արի—դուրս ելայ. սաստիկ ցուրտ էր, պարզկայ, անլուսին—մութ գիշեր։ Աչքերս տրորեցի և մի երկու ըովէ սառ օդի մէջ թարմանալուց յետոյ ուղում էի ներս մտնել, երբ յանկարծ մթութեան մէջ մի սպիտակ մարմին ստուերացաւ աչքիս առաջ. սկսեցի դիտել՝ տեսողութիւնս լարած. նա մօտենում էր ինձ։ Զինւորներից մէկն էր, որ շինելի մէջ փաթաթուած դուրս էր գնացել։ Շինելը երկու ձեռքով մարմին փաթաթած, սեղմել էր փորի վրայ, բայց կրծքին երևում էր սպիտակ շապիկը. մօտեցաւ, նայեց ինձ և լուռ անցաւ։

Այս սովորական բան էր, և ես ուշպրութիւն անգամ չդարձրի, թէ ով էր։ Երբ դուռը բաց արի ներս մտնելու, զօրանոցի ծանր—տաք օդը երեսիս դիպաւ։ «Ի՞նչ վատ օդ է», սկսել էի մտածել, երբ յանկարծ նկատեցի, որ դրսից եկած զինւորը շինելը վրայից վերցրած՝ պատ-

ըաստւում՝ էր մտնել մազէ չոր ծածկոցի տակ։
Դա «Դեպկա Ստեփանն» էր։

Ես մօտեցայ ծխացող ճրագին և պատրոյզը
ցած քաշեցի։ Նոտեցի ճրագի մօտ փայտեայ
նստարանի վրայ, արմունկս դրի կեղտոտ սե-
ղանին, գլուխս յենեցի ձեռքիս և մտածմունք-
ների աշխարհն ընկայ, աչքս շարունակ ժամա-
ցոյցի վրայ պահելով։ Քառասուն երեք ըուպէ
էր անցել, երբ մի խշխոց լսեցի. գլուխս բար-
ձրացրի և նայեցի դէպի զօրանոցի խորքը.—
մի զինւոր էր, որ կօշիկներն հագած՝ փա-
թաթւում էր շինելով, դուրս գնալու համար։
Երբ մօտովս անցաւ, ես ճրագի աղօտ լոյսի ու
թանձր, խեղդուկ օդի մէջ նկատեցի «Դեպկա
Ստեփանի» գունատ դէմքը։—Կրկին նա—, ան-
ցաւ մտքովս։

Նա վերադարձաւ, պառկեց։ Անցաւ էլի կէս
ժամ. մի քանի զինւոր էլի դուրս գնացին ու
եկան նոյն ձեռով։ Մնում էր ճիշտ երեք քա-
ռորդ ժամ, որ ես զարթեցնէի Կորսունին ու
ինքս հանգստանայի, երբ տեսայ, որ «Դեպկա
Ստեփանը» նորից փաթաթւում է շինելի մէջ։
«Երեկի ճիւանդ է»։ մտածեցի ես։ Նա վերա-
դարձաւ և լուռ պառկեց։ Ես վեր կացայ տե-
ղիցս, սկսեցի զօրանոցի երկարութեամբ հրա-
ցանների շարանների առաջով անցուգարձ ա-
նել, շուտ-շուտ ժամացոյցի երկար սլաքին նա-

յելով։ Անհամբերութեամբ սպասում էի, որ
այդ երկար սլաքը բարձրանայ, հասնի 12
թուանշանին, և այն ժամանակ 3-ը կը խփէր
ու ես կը զարթեցնէի Կորսունին։ Աւելի արագ
քայլերով սկսեցի անց ու դարձ անել, և այս
անգամ հրացանների առջեցից անցայ ու գնացի
մինչև զօրանոցի վերին պատը։ Վերադարձին՝
աջ կողմու մի խուլ փրթփրթոց լսեցի—նման
ստորերկրեայ ջրի հոսանքի ձայնին։ Նայեցի—
«Դեադկա Ստեփանն» էր նստած, զլուխը ցած՝
դէպի աջ ծռած. անցայ նրա առաջով, երկար
չնայեցի։ Երբ նորից վերադառնում էի, տեսայ
որ երկար սլաքը երկու րոպէ միայն առաջ էր
գնացել և դեռ 28 րոպէ մնում էր մինչև երե-
քը։ Հենց այնպէս, ժամանակս շուտ անցկա-
ցնելու համար, մօտեցայ «Դեադկա Ստեփանին»,
որ դեռ նստած էր և հարցրի։

— Ի՞նչ է, «Դեադկա Ստեփան», ինչո՞ւ չես
պառկում, հիւանդ հօ չե՞ս։

Նա շրթունքները շարժեց, նայեց ինձ, բե-
րանը ծռմռեց, կարծես ուզում էր մի բան ա-
սել, բայց աչքերը շուռ տուեց և լուռ նայեց
ճրագին։ Նրա գունատ դէմքը սաստիկ աղօս
լոյսի տակ չգիտեմ ինչո՞ւ իմ մէջ զարթեցրից
իվանենկոյի՝ կամմըութիւնը կորցրաց, անք
դիմագծերի պատկերը։ Այս յիշողութիւնը գրի-
մանալի էր նրանով մանաւանդ, որ մի

Նմանութիւն չկար այս երկու անձերի ոչ արտաքինի և ոչ բնաւորութեան մէջ:

—Փորդ հօ չի ցաւում, «Դեադկա Ստեփան»—նորից հարցը ես: Իսկ նա նայեց ինձ, յետոյ ճրագին և ապա աչքերն ուղղելով դէպի առաստաղ՝ կուրծքը ուռեցրեց ու մի խոր հառաչ արձակեց:

—Վաղը գնա բժշկի մօտ, «Դեադկա Ստեփան», ինչպէս երկում է հիւանդ ես—, նորից պնդեցի ես:

Նա թեք ընկաւ կոշտ՝ խոտով լցուած բարձի վրայ և նորից յոզոյ հանելով ասաց, կարծես սիրտ առնելով իմ մեղմ և բարեկամական խօսակցութիւնից.

—Ո՛չ, պարհն Ակոպով, հիւանդ չեմ, ոչ էլ փորս է ցաւում. միայն գիշերը սարսափելի երկար է, մարդու քուն չի տանում. էլի ափսոս չէ ամառը. դեռ կունքդ չառած՝ մէկ էլ տեսար արեի ճառագայթը պատուհանից սկսեց աչքերդ ծակծկելոց: Առաջին անգամն էր, որ նա ինձ հետ խօսելիս «պարոն» էր ասում— ես զարմացայ: Գիշերուայ երկարութիւնից էր գանգատում քնկոտ «Դեադկա Ստեփանը»,— այդ աւելի զարմանալի էր, բայց ինձ տարօրինակ չթուաց, որովհետեւ ես էլ անհամբեր ըովէներն էի համարում, թէնի քնի սաստիկ կարօտ էի: Ուզում էի հեռանալ, երբ նա ուղիղ նստելով հարցը իրեն անսովոր խղճալի ձայնով:

— Դուք կարկացած մարդ էք, աշխարհի բոլոր գաղտնիքները գիտէք, պարսն Ակոպով — դըժոխքում մեղաւոր հոգիները քննում են, թէ գիշեր-ցերեկ կրակի բոցերի մէջ տանջւում են արթուն»։ Ես ապշեցի. չգիտէի ինչ պատասխանեմ, երբ նա խօսքը փոխեց.

— Ասում են, որ կարգապահական բատալիոնը դժոխքից էլ վատթար է, ճիշտ է։ Այնտեղ, ասում են, զինւորների հոգին հանում, առաւօտից մինչև երեկոյ հրացաններով վագեցնում են։

— Ճիշտ է, ասացի։

— Բայց գիշերները նրանք հանգիստ կըքնեն չէ — , հարցրեց նա միամիտ եղանակով։

— Ի հարկէ — , պատասխանեցի ես — , յոզնած մարդիկ են, պառկեն թէ չէ, քնները կըտանի։

Այստեղ «Դեանդկա Ստեփանը» նորից հառաջեց։ Մտածմունքի մէջ ընկանք՝ ես էլ նա էլ, և մի ըստէ մեր մտածկոտ հայեացքները հանդիպեցին միմեանց, սակայն նա աչքերը թարթեց և երեսը շուռ տուեց. ապա ասաց գառնազին ձայնով.

— Խեղճ իվանենկօ, հիմա որքան կըտանջուի։ Գիտէք, նա շատ լաւ տղայ էր, մեղանից ոչ ոք նրան չէր ճանաչում և իզուր տեղը ծաղրում էինք. դրա համար նա՝ էլ ոչոքի հետ չէր խօսում. նա շարունակ զանգառում էր, որ ինքը աղքատ է, հարբեցողի տղայ, դրա համար բոլորն արհամարհում են իրեն։ «Մեր գիւղումն

Էլ—ասում էր նա—ծաղրում էին ինձ և «շանսատակ եղած» հարբեցողի որդի էին անուանում։ Մայրս, ասում էր, ամեն օր աղօթք էր անում Աստծուն, որ իր հոգին առնի և ինքը չար գիւղացիների ձեռից ազատուի. գիւղի տղերքը միշտ ծեծում էին ինձ. Երբ զինւոր ընկայ, շատ ուրախացայ, որ ազատուեցի այդ անիծածների ձեռքից։ Բայց այստեղ էլ—ասում էր նա—չկարողացայ ազատուել. և այդ իմ մեղքից է. ես համ աղքատ եմ, համ դղում, այդպէս էլ հողը կը մտնեմ։ Դրա համար էլ նա բոլորից վախում և քաշւում էր։ Քանի անգամ ես նրան իզուր տեղը հայնոյել եմ և նոյնիսկ բուռնցքով խփել եմ, իսկ նա ոչինչ չէ ասել…։ Խեղճ, խեղճ իվանենկօ։ Բայց նա այժմ հանգիստ քնած կը լինի, չէ։ Տեսնեսնա քնած ժամանակ ի՞նչ երազ է տեսնում։ Գիտէք, պարոն Ակոպով, ես երէկ գիշեր երազիս դժոխքը տեսայ—սատանաներով լի. ինչպէս էին ծւծում, ճչում, գոռում, հայնոյում. որքան տաք էր այնտեղ. Գիտէք, մարդկանց այնտեղ սղոցում էին, աչքերը հանում…։ Նա խաչակնքեց. — Ճիշտ այնպէս էր, ինչպէս պատմում էր մեր գիւղի քահանայ Պրակոպին։ Գիտէք, նա շատ խելօք, գիտնական մարդ է, գրի սեն ու սպիտակը ճանաչում է, մեր մուժիկներինման յիմար չէ. Աւետարան, Աստուածաշունչ, Վարք սրբոց՝ բոլորը կարդացել է. սատանաներից էլ

չի վախում. մի զիշեր հարևան գիւղից դառնալիս, մենակ՝ զերեզմանի կողքով անցել էր առանց վախենալու: Նա պատմում էր, որ մի զիշեր ինքը «տեսիլք էր գնացել»—ինքը տանը քնած՝ իր հոգին գնացել էր միւս աշխարհը շրջելու. նա դժոխքի հետ էլ ծանօթ է, արքայութեան հետ էլ: Երէկ զիշեր ես դժոխքը [տեսայ ճիշտ այնպէս, ինչպէս տեսել էր հայր Պրակոպին]....:

—Դընդ, դընդ, դընդ... խփեց ուղիղ երեք անգամ ժամացոյցը և ես նայելով մեծ սլաքին, ասացի.

—Քնիր, «Դեադկա Ստեփան», ես էլ պիտի քնեմ....: Եւ վեր ելայ:

—Պարոն Ակոպով. դուք որքան լաւ մարդ էք. այդ ուսումի շնորհիւ է, չէ. երանի ձեզ, որ ուսում էք առել. ամեն բան գիտէք և բոլորն էլ ձեզ յարգում ու քաղաքավարի, մարգավարի են վարւում ձեզ հետ: Մինչև անգամ կապիտանը ձեզ հետ «Դուք»—ով է խօսում: Յիշնւմ էք, ինչպէս կապիտանը ձեզ դուրս բերեց շարքերից և չարչարանքից ազատեց. ես այն ժամանակ հասկացայ, որ նա համոզուած է, թէ դուք գողութիւն չէք անիլ և շատ, շատ նախանձեցի ձեզ. բոլորի վրայ կասկածում էր, բացի ձեզանից....:

—Եւ ձեր ծառայութիւնն էլքիչ է—տարի ու կէս՝ աչքդխփիր, դեռ չբացած՝ տարին գլոր-

ւեց։ Երեք տարի ինձնից յետոյ էք եկել, ես
դեռ այստեղ պիտի վիթեմ, իսկ դուք արդէն
տանն էք։ Է՞հ, եղբայր, անուսում մարդու
կեանքը կեանք չէ...։
Հեռացայ։ Կորսունին զարթեցրի և շտապով
տեղս մտայ։

Ինչի՞ համար էր այդ խօսակցութիւնը, ին-
չու «Դեադկա Ստեփանը» չէր քնում, ինչու
յիշեց իվանենկոյին ու գժոխըը... Ժամանակ չու-
նեցայ այդ մասին մտածելու, և երբ աչքերս
բաց արի՝ տեսայ, աղօթարանը սպիտակին է
տալիս պատուհանից, և մօտս կանգնած է քնա-
թաթախս, ուռած աչքերով, պսպղուն դէմքով
կորսունը. Ժամը 5-ն էր արդէն։ Նորից սուխինը
կապեցի և սկսեցի զարթեցնել զինւորներին։
Երբ մօտեցայ «Դեադկա Ստեփանին», տեսայ՝
աչքերը կարմրած. խոր քնի մէջ։

Նրան էլ զարթեցրի։

— Հին ծուլութիւնդ կրկին մտաբերեցի՞ր, ան-
պէտք, հաղիւ ուղղուել էիր—, գոռաց բարձր
ձայնով ֆելդֆերելը, մատները խփելով երկար
սուսերի կոթին։

«Դեադկա Ստեփանը» շարքից դուրս եկած,
հրացանը ձեռին, անխօս կանգնած էր նրա մ-
ուայ, գլուխը կախ գցած։

— Ոչխանը է դառել, խօսելն էլ մոռացել է...
պառաւ, կորի՞ր աչքիցս, լոգեր։ «Դեադկա Ստե-

փանը» հրացանը տեղը դրեց և լուսնոտի քայլերով գնաց, բերանքսիվէր փռուեց մահճակալի վրայ:

Այս անգամ նա չէր կեղծում. լուրջ հիւանդ էր: Մի քանի անգամ բժշկի մօտ գնալութուց յետոյ, մի օր վկայականը ձեռին ներկայացաւ ֆելդֆերելին և իրաւունք ստացաւ իրերը կարգի գցել ու հիւանդանոց գնալ: Ոչ ոքի հետ չխօսեց հիւանդանոց գնալիս: Հրացանը պարագաներով յանձնեց հերթապահ զինւորին, կոճկեց շինելը, գոտին անփութութեամբ կապեց, գլխարկը կոխեց գլուխը, ձեռքերը դրեց շինելի գրպանը և, առանց մեզ նայելու, դուրս եկաւ զօրանոցից:

Բոլորս մոռացանք «Ստեփան Դեադկային»: Միայն երբեմն-երբեմն առողջացած զինւորները հիւանդանոցից զօրանոց գալիս պատմում էին, որ «Ստեփան Դեադկան» բոլորովին փոխուել, նիհարել, ուսկոր է կտրել: «Ֆելդշերներն ասում են, որ նա երկար չի ապրի, բայց չեն էլ հասկանում, թէ ինչ հիւանդութիւն ունի»:

— Է՞հ, եղբայր, ես ճանաչում եմ նրան—, ասաց մի օր Մարչենկօն—, սուտ հիւանդ է ձեւանում. ովզ զիտէ, քացախ է խմել, կամ թութունի ջուր է անուշ արել, որ մեզ նման հրացանը վերցրած փողոցները չըշափչիր. շատ է ծառայել մարդը—հեգնեց նա—, յոգնել է, ուղում է մի քիչ հանգստանալ:

Ես կարծես զգում էի, որ Մարչենկօն սխալ-
ւում էր, «հոգուն մեղք էր անում», բայց ոչինչ
չասացի:

Նրա մասին խօսք լինելիս՝ զինւորները—
մանաւանդ երդումն արդէն ընդունած նոր զին-
ւորները, սաստիկ հայնոյում էին նրան: Եւ ոչ
ոք չէր փորձում պաշտպանել: Այժմ միայն ես
ցաւում եմ, որ նրա մասին ոչ մի լաւ խօսք,
պաշտպանելու ոչ մի փորձ չեմ արել: Եւ այդ
ցաւն զգում եմ այն օրից, երբ վերջին անգամ
տեսայ նրան այն դրութեան մէջ, հիւանդա-
նոցից զօրանոց դառնալուց յետոյ...:





V

նցաւ մեծ պասից ամբողջ վեց
շաբաթ, և մենք վերջապէս
ազատուելու էինք ձկան
շորուայ ուտելուց:

Անհետացան մեծ պասի
հետ և գորշ երկնքի մութ
կնճիռները: Մանուկ ճա-
ռագայթները շէկ ասեղների պէս ոստոստելով
ցցուեցին սպիտակ սաւանի վրայ: Զեան հա-
տիկները չդիմացան նրանց չարաճճի խըտղը-
տումներին: Նրանք ծիծաղից թուլանում էին
ու պսպղուն աչքերը փակելով անհետանում:
Երկիրը հետզհետէ բաց էր անում իր խոնաւ,
ու կուրծքը: Նոր ծիլերը գաղտագողի, անշշուկ՝
լեզուները գուրս էին հանում հողի տակից և
զարմանքով պնւշ-պնւշ նայում արեին: Պըղ-
տոր առուները խոխոջելով անցնում էին փողոց-
ներով: Գարնւն էր գալիս արշաւակի, և գար-
նան հետ մեր օրերը զորւում էին հապճեպով:

Դանդաղաշարժ մեծ պասի ու թմրած
ձմեռուայ հրաժեշտը մեր սրտերից ջնջեց միօ-

ըինակ տաղտուկը և երեսներիցս անհետացրեց
երկնքից էլ գորշ՝ թախիծը:

Մի ամբողջ շաբաթ մենք պատրաստու-
թիւն էինք տեսնում Զատկին դիմաւորելու:
Անկողինները դուրս զցեցինք, ներքնակների և
բարձերի յարդերն ու խոտերը փոխեցինք, զօ-
րանոցի յատակն ու պատուհանները լուացինք
և, երկու մեծ խմբերի բաժանուած՝ սկսեցինք
եկեղեցի յաճախել: Հրէաներն էին այդ շաբաթ
բոլոր հերթական ծառայութիւններն անում:
Ռուսներն ու վրացինները գնում էին ոռւսաց
եկեղեցին, իսկ հայերն ու լեհացիք՝ հա-
յոց: Զինւորական-կարգապահական խստու-
թիւններն էլ այդ շաբաթ թուլացել էին.
և մենք հանգիստ սրտով, ուրախ հոգով պատ-
րաստում էինք դիմաւորելու Զատկին:

Այդիսի մեծ տօներին հիւանդանոցում
եղած այն զինւորները, որոնք համարեա առող-
ջացած են, կամ որոնց հիւանդութիւնը թեթև
է, բժշկից իրաւունք են ստանում և գալիս են
զօրանոց՝ միւսների հետ խոստովանելու, հա-
ղորդուելու և թաթախուելու:

Ներքնակները նոր յարդով լցրած փոել
էինք արել, և մենք պատի տակ շարուած տա-
քանում էինք ու զրուցում, երբ յանկարծ կա-
բաչենկօն գոռաց.

— Ստեփան Դեադկան, Դեադկա Ստեփանը,
տղերք... դժոխքի շուն է դարձել, նայեցէք:

—Զատկի օղին միտն է զցել խոզը—սրա-
խօսեց վասիլիկը:

—Ի՞նչ ես հայհոյում, էշակ, ամօթ չէ՞,
սուրբ շաբաթ է, դեռ եկեղեցի էլ է գնում,
պատրաստում է հաղորդուելու—բարկացած
նախատեց Շակաշուիլին, ցից ատամների ա-
րանքներից թուքը ցայտեցնելով։ Բոլորն ընդ-
հատեցին հոհոցը և լուրջ դէմք ընդունեցին։

Ես նայեցի ու առաջս տեսայ մի կատա-
րեալ կմաղք. աչքերը փոս էին ընկել. տափակ
քիթը, որ առաջ հազիւ նկատում էր, բար-
ձրացել և ցցուել էր հողակոշտի նման, որի
կողքերից անձրևաջուրը քերել է հողը. կնճիռ-
ները շատացել էին և ակօները խորացել, իսկ
ցանցառ մազերը թրջուած լաթի պէս կախ
էին ընկել. Իրօք ծիծաղելի էր «Իեաղկա Ստե-
փանը», բայց աւելի՝ արգահատելի։

Սակայն նա ոտքերը դնում էր գետնին
շատ հաստատ, բայլերը անում էր մեծ-մեծ
և արագ։ Երկու դուրս ընկած այտոսկըների
արանքում փոսացող շրթունքների վրայ ժպիտն
յիշեցնող մի բան էր երեսում, դեղին ժայռի մի
ծակոտիում բամած գունատ վարդի նման։ Իսկ
խոր ընկած աչքերում մի բան էր փայլում, որ
յիշեցնում էր թանձր ամպերի մի պատահա-
կան ճեղքուածքից դուրս սպրդած արեկի դող-
դոջուն ճառագայթը։

Նա լուռ մտաւ զօրանոց։ Միւսների հետ
եկեղեցի էր յաճախում։

Շաբաթ երեկոյեան հայերս եկեղեցու բա-
կում մեզ համար պատրաստուած ընթրիքով
թաթախուեցինք և վերադարձանք զօրանոց։
Ժամը 12-ին ուռս զինւորները հագնուեցին և
ֆեղֆերելի առաջնորդութեամբ ուղևորուե-
ցին եկեղեցի։ «Ստեփան Դեադկան» վերջին շար-
քերում կորագլուխ հետևում էր նրանց։

Հետևեալ օրը, առաւօտեան նրանք վերա-
դարձան հաղորդուած, և մենք պատրաստուե-
ցինք ընդհանուր թաթախում անել զօրանո-
ցում։

Մաքուր հագնուած, կօշիկներս սրբած,
փայլուն—մոմած գօտիներով, երկ-գլուխ ար-
ծուի մեծ կակարդները գլխարկներիս կպցրած՝
մենք շարուեցինք երկու շարքով զօրանոցում։
Փեղֆերելը իրանը ուղիղ պահած, ձեռքերը
հանդարտ շփելով միմեանց, անց ու դարձ էր
անում մեր առաջով, սրան կամ նրան ժպտա-
դէմ թեթև նկատողութիւն անելով։ Ցածրաս-
տիճան սպաներն արդէն հաւաքուել էին. սպա-
սում էինք կապիտանին։ Զինւորները միմեանց
հետ փսփսում էին, աչքի տակով նայելով պա-
տի տակ դրուած մեծ սեղանին, որի վրայ
հպարտօրէն բարձրանում էին չորս հատ մեծ,
կապտագոյն շշեր՝ լի օղիով։ Շշերի կողքին—

սեղանի վրայ, աղիւսի կտորների նման, բլրածե դարսուած էին միմեանց վրայ պասէքի դեղին կտորները։ Կողքի փոքր սեղանին դրուած էր խաշած ձուերով լի մեծ կոնքը, որի առաջ դարսուած էին մի-մի կտոր լաւաշի մէջ փաթաթուած ապուխտի բարակ շերտերը։ Եւ այդ բոլորը փայփայում էր մեր տեսողութիւնը, գոհունակութեան ժպիտ խաղացնելով դէմքերիս վրայ։ Մենք՝ աշխատելով ծածկել հըրճուանքներս, աչքի տակով նայում էինք այդ խկական Զատկին, որ առօք-փառօք բազմել էր զօրանոցի մէջ մեր գիմացը, և բերաններիս ջուրը գնում էր։

Ֆելդֆերելը վազեց դէպի դուռը. սպաներն շտապով շարուեցին մեր աջակողմը, և բոլորից աջ կանգնած պարուչիկ իվանովը ձեռքը ճակատին տանելով գոռաց։

— Сми́рно...»

Դուռը բացուեց և կապիտանը ներս մտաւ, շողջողուն-ոսկեթել ուսագիրներով (эполетъ): Ֆելդֆերելի զեկուցումն ընդունելուց յետոյ, նա չափածոյ քայլերով առաջ եկաւ և, ձեռքը ճակատին դնելով, ուրախ ու հանդիսաւոր ձայնով ասաց.

— Здорово братцы!...

— Здравія желаемъ, Вáш-сóк-róд!..., թըրթուն ձայնով, մի մարդու նման պատասխանեցինք մենք։

— Շնորհաւորում եմ ձեր սուրբ Զատիկը,
քաջել...

— Խոնարհաբար շնորհակալ ենք, Ձերդբարձր
բարեծննդութիւն — աղաղակեցինք մենք նորից:

Նա ձեռքը ճակատից վերցրեց, զրեց կողը՝
կախ ընկած երկար սուսերի կոթին, նայեց
սպաներին, ապա մեզ և ասաց.

— Այսօր ես բախտ ունիմ ձեզ շնորհաւորել
և միևնոյն ժամանակ իմ գոհունակութիւնն
յայտնել ձեր անքիծ և սրտապին ծառայութեան
համար: Թէև տարուայ ընթացքում եղել են
դէպքեր, որոնք ինձ սաստիկ վրդովել են, ինչ-
պէս զող իվանենկոյի խայտառակ յանցանքը,
բայց ես միխթարուած եմ նրանով, որ նման
դէպքեր այլևս տեղի չեն ունեցել, և յոյս ու-
նիմ, որ այսուհետեւ էլ չեն կրկնուելու: Ես հա-
մոզուած եմ, որ զուք կը շարունակէք ձեր
անկեղծ ծառայութիւնը ի փառս հայրենիքի և
մեր սիրելի Թագաւորի... ուռամ...

— Ուռամ, ուռամ..., բարձրանում ու իջնում
էին մեր կրծքերը, հիմն ի վեր թնդագնելով զօ-
րանոցը:

Ուժգին արձագանքի վերջին ալիքները
խլածայն ոլորումներով նոր էին նիրենել մեր ա-
կանջներում: Ամբողջ զօրանոցը՝ մի քանի հա-
րիւր շնչաւորներով, անձայն նկուղի տեսք ստա-
ցաւ: Եւ բոլորա՝ գլուխնիս թեքած դէպի սե-
ղանը, ականջ էինք դնում մեծ շշից բաժակի

մէջ ոստոստող օղիի ուրախ քըլթքըլթոցին:

Կապիտանը ծեռքը սուսերի կոթին դրած, պատրաստւում էր ֆեղֆերելի ծեռքից իրեն մատուցւող օղիի բաժակն ընդունել: Յանկարծ նա՝ բերանը կիսաբաց, հետաքրքիր հայեացքով նայեց գէպի վերջին շարքերը: Հանդարտ ծփացող ալիքների նման՝ մի շշուկ անցաւ մեր շարքերով: Նայեցինք այն կողմը, և բոլորս ապշեցինք:

Ոլորաձև մի կեղտութ թուղթ զողացող ձախ մատների մէջ սեղմած, շարքերի առաջով անցաւ կմաղքանման «Դեադկա Ստեփանը», կըրունկները անհամաչափ արխկտիկոցով յատակին խփելով, և արագ քայլերով մօտեցաւ կապիտանին: Կապիտանը ինձնից գէպի աջ հինգ քայլ հեռաւորութեան վրայ էր, և ես տեսայ թէինչպէս այլագունուած «Ստեփան Դեադկան» կուրծքը զուրս ձգելով ցցուեց նրա առաջ, աջ ծեռքը դրեց ճակատին, սկզբում զողացող՝ բայց յետոյ հաստատուն ձայնով ու բարձր ասաց.

— Ձերդ բարձր բարեծննդութիւն, մի շատ կարեոր խնդիր ունիմ:

Կապիտանի թերթերունքները արագութեամբ հեռացան միմեանցից, աչքերի գնդակները դուրս թռչելու չափ բարձրացան, բիբերը փայլեցին արևի ճառագայթն յանկարծ վրան ընկած սաթի նման. նա հայեացքը մեզ ուղղեց վայրկենապէս, և ապա կարծես զարմանքը

զսպելով, աչքերը նորից սևեռեց նրա վրայ ու հեղնական եղանակով հարցրեց.

— Նու... ի՞նչ կը հրամայես, «Դեադկա Ստեփան»։ Ու հեղնական շեշտը «Դեադկա» բառի վրայ էր։

Այդ ժամանակ «Ստեփան Դեադկայի» օդի մէջ կամուր կապած արմունկը դադարեց դողալուց, նրա երեսին մի թեթև կարմրութիւն եկաւ, նա թուքը կուլ տուեց, ծնկներն ամուր սեղմեց միմեանց և՝ բարկութիւն արտայալտող, բռնագրօսիկ ու զինւորին անվայել յանդուգն ձայնով որոտաց.

— Ձերդ բարեձննդութիւն! մեծ, շատ մեծ, մահացու մեղք եմ գործել։ Իմ հոգին դժոխքի արժանի է... Խիղճս ինձ հանգիստ չէ տալիս. մեղքի մէջ եմ զցել Ձեզ էլ, ընկերներիս էլ...։ Սկարեադի փողերից իվանենկօն տեղեկութիւն չունի, ես եմ զնացել վերցրել, կեղծ ստորագրութիւնը ես եմ տուել...։

— Ի՞... ի՞... նչ, ի՞... ի՞նչ... պէ... լու...,, հազիւ կարողացաւ արտասանել զարհուրած կապիտանը, ծովում սուզւող կիսախեղդ մարդու սրտակառը ձայնով։

Մենք գլուխներս տնկեցինք, իրաններս դէպի առաջ ծուցինք և, կուրծքներս կարծես մի աներեսյթ գերանի դէմ տուած, աչքերնիս չուցինք «Դեադկա Ստեփանի» շրթունքներին։

Նա հազեց և, կարծես մի ահազին բեռ ու-

սերից վայր գլորելով, շնչեց ուժգնութեամբ։
Ապա սկսեց կանոնաւոր ու հաստատուն բա-
ռերով խօսել, ինչպէս խօսում էր Փեղփերելը՝
զեկուցում տալիս.

—Զերդ բարձր բարեծննդութիւն, ամբողջ
երկու ամիս չարչարւում էի, որպէսզի կարո-
ղանամ ձեռքս Սկարեաղի ձեռքին նմանեցնել։
Փողերի մի մասը տարրայ խմեցի, իսկ 18 ըուբ-
նին պահեցի, որ կնոջս ուղարկեմ, բայց չկա-
րողացայ ուղարկել։ Իվանենկոյի աքսորից յե-
տոյ ձեռքս չբռնեց այդ բանն անել։ Ես եմ
գողացել, Աստուած է վկայ, ես եմ գողացել,
տէրտէրին էլ խոստովանեցի, նրա մօտ էլ եր-
դուեցի, որ ես եմ գողացել։ Ահա այն թղթերի
մի մասը—ինչ որ կարողացել եմ գտնել—, որի
վրայ ես սովորում էի ձեռքս նմանեցնել Սկա-
րեաղի ձեռքին։ Իվանենկոյի տետրակի մէջ իմ
թղթերից է սխալմամբ ընկել, նա չէր կարող
այդ ձևով գրել։ Իվանենկօն գիտէր, որ ես եմ
գողացել, իր խոստովանութիւնից դեռ մի օր
առաջ պատահմամբ իմացաւ և յորդորում էր
ինձ տանել փողերը Սկարեաղին տալ. բայց ես
չլսեցի նրան։ Իր խոստովանութիւնից յետոյ
նա ինձ ծածուկ ասաց, որ ոչ ոքի չյայտնեմ
եղելութիւնը.—Որովհետեւ, ասում է, դու մեղք
ես, սկզբից չես խոստովանել, պատիժով շատ
մեծ կըլինի, տաժանակիր աշխատանքի կուղար-
կեն, կին ունիս, երեխաներ ունիս—մեղք են։

Բայց երդուիր, որ այլևս այդպիսի բան չես
անիլ»: Ես երդուեցի:

— Ի՞նձ պատժեցէք, ես յանցաւոր եմ, ա-
զատեցէք իվանենկոյին: Նա մեծ բան արաւ,
զօրքի անունը փրկեց արատաւորութիւնից և
ուրիշի յանցանքն իր վրայ առաւ, տեսնելով
ընկերների զուր տանջանքը, ու վախենալով,
որ յետոյ կը բացուի, և ինձ սաստիկ կը պատ-
ժեն: Ես եմ արել, Աստուած է վկայ, ես եմ
ա...ա...րել...»:

Այստեղ նրա ձայնը խզուեց, և նա խզուած
ձայնով ասաց, ձախ ձեռքը մեկնելով կապի-
տանին.

— Մհա վողերը, որ լրացրել եմ կօշիկներս
և սպիտակեղենս ծախելով...:

Կապիտանի ստորին արտևանունքին մի
վոքրիկ, մարգարտանման բան փայլեց կար-
ծես: Նա հազեց և, ձեռքը գէպի վեր տանելով
իրը գլխարկն ուղղելու, բթամատն աննկատե-
լի կերպով գիպցրեց արտևանունքին և անհե-
տացրեց այգտեղի համար անսովոր գնդակը...:

Ես չկարողացայ իմանալ, թէ ինչ պատա-
հեց ինձ. միայն բբերիս վրայ լճացած հեղու-
կի միջով տեսայ առաջս կանգնած մի արհա-
մարհուած կմաղք, որին ուղում էի փաթաթ-
ւել ու պինդ համբուրել: Յիշեցի իմ հեղ-
թապահութեան գիշերը, «Դեադկա Ստեփանի»
խօսակցութիւնը և զգացի այն, ինչ որ կզգար

մի մեծատուն տիկին՝ առաւօտեան տեսնելով
շէմքի մօտ փոռւած սովամահ աղքատի դիակը,
որին երեկոյեան մերժել էր 5 կոպէկ տալու,
կարծելով թէ օղիի համար է ուզում...:

Ի՞նչպէս խմեցինք կենացները, ի՞նչպէս
շրջուեցինք դէպի աջ և, զոյգ-զոյգ մօտենա-
լով սեղանին, ստացանք պատէքն ու ձուն. Ի՞նչ-
պէս մեր գնդապետն այցելեց մեզ և 25 ըուբ-
րի ընծայեց տօնի առթիւ... ոչինչ, ոչինչ չեմ
յիշում: Մտքիս առաջ մնացել է միայն այն
ոսկրացած մարմնի պատկերը, որ տատանուեց,
և որին վայր ընկնելուց պահեց ֆելդֆերելը
ձեռքերը մխելով նրա կոնատակերին ու, կապի-
տանի ձեռքի նշանի համաձայն, տարաւ նրան
պրասենեակը....

—Խեղճ իվանենկօ, իսկ մենք նրան թքո-
ղող արինք—, ասում էին զինւորներն զգած-
ւած:

Զիմացայ այնուհետև թէ ի՞նչ պատահեց,
որովհետև մի քանի օրից յետոյ ես հրաժեշտ
տուի զօրանոցին և գնացի քննութիւն տալու:
Արդեօք նրան աքսորեցին, արդեօք իվանենկօն
վերագարձաւ, կամ ի՞նչպէս ընդունեցին նրան
զօրանոցում: Միայն մի ժամանակ անցնելուց
յետոյ, լսեցի որ իվանենկօն կապիտանի մօտ
պատրաստում էր սպայութեան քննութիւն

տալու։ Եւ էլ ոչ ոք չէր կարծում թէ նա «դը-
գում» է։


«Դեադկա Ստեփանի» մասին էլ ասա-
ցին, որ նա կարգապահական բաժանմուն-
քում դիմանում է բոլոր տանջանքներին,
առողջացել ու լցուել է։ Ամեն առաւօտ, ա-
սում են, ընկերներին պատահելիս ժպտադէմ
«Բարի լոյս» է տալիս և ձեռքերը միմեանց
շփելով միխթարում է այդ տիսրադէմ տան-
ջուածներին։ Շատ անգամ, երբ աքսորականները
երկար չարչարանքից յետոյ, ոտները փռած
շարւում են զօրանոցի պատի տակ իրենց դը-
բախտ օրը լալու, յանկարծ, պատմում են, ե-
րեւում է «Դեադկա Ստեփանը», մէջը յենում
է պատին, ոտները տարածում է գետնին և,
թեթև խփելով ուռած ու կարմրած ոտներին,
ասում է։

— Սյդպէս, դիմացէք մինչև վերջ. — ապա
դառնում է ընկերներին և աւելացնում՝

— Է՞ն, եղբայր, դարդ մի անէք, այս ծանր
օրերը կանցնին. սրանից վատթար օրեր եմ
տեսել։ Մենք տանջւում ենք ցերեկը, իսկ ցե-
րեկուայ տանջանքից յետոյ՝ որքան քաղցր է
գիշերուայ երկար ու հանգիստ քունը։ Ցերեկ-
ւայ տանջանքը անքուն գիշերների տանջանքի
հետ անկարելի է համեմատել, անկարելի . . .

ԾԻԱԾԱՆԻ ՀՐԱՏԱՐԱԿՈՒԹԻՒՆԵՐԸ

1. Իհ. ԲԵԶՐՈԴՆԱՅԱ. Անձնուէր բարեկամ. թարգմ. Ղ. 5 կ.
2. ՄԱՐԴԱՐ. Գողը (Զինւորի յիշատակաբանից) 20 կ.



Դիմել՝ Թիֆլիսի և Բագուի գրավաճառներին:
Պահեստը՝ Բագու Մալայ Մорская. 2-յա Русско-Ар-
мянская школа. Գաբրիէլ Պալեանի մօտ:

L. J. Maynard
1992

